

mijn siele van alre herten dat sie mach
 ghetroest worden myt die toe sprake
 dyns eyghenen mondes **O** mynentli
 ke **Jesu** loefliker dan alle loff **O** hoe
 richuloeyende blyschapp **O** stedige
 myne des herten alheel begheerlich
Doe my o suete **Jesu** Ighebruikē hir
 en inder ewigher salicheit dine soe
 ticheit doer alle ewicheit der ewich^t
Amen. **I**tem weer dat sake dat een
 mensche conde bekenne wat nuttich^t
 hem coemet vanden hillighen sacra
 mente van groter blyscappen solde hie
 ontbreken **Doer die ontfanckemisse**

Wes ghegruet o leuendighe
 broet dat vanden hemel
 ghesteghen is en gheueft
 dat ewighe leuen den ghenen die dy
 weerdelick ontfanghen **O** alre hillich
 ste spise want die dy et wort god **O**
 hillighe wech spise onser pelgrima
 gien sunder welcker niemant van